

Na osnovu člana 52. Statuta JKP „Vodovod i Kanalizacija“ d.o.o. Sanski Most i Odluke Skupštine JKP „Vodovod i kanalizacija“ d.o.o. Sanski Most, broj: 04-1298/19 od 20.11.2019. godine, Skupština JKP „Vodovod i kanalizacija“ d.o.o. Sanski Most raspisuje

**JAVNI KONKURS**  
**za izbor i imenovanje članova**  
**Odbora za reviziju**  
**JKP „Vodovod i kanalizacija“ d.o.o. Sanski Most**

Objavljuje se Javni konkurs za izbor i imenovanje 3 (tri) kandidata Odbora za reviziju JKP „Vodovod i kanalizacija“ d.o.o. Sanski Most i to 2 (dva) kandidata ekonomske struke i 1 (jedan) kandidat pravne struke.

**I Opis pozicije**

Odbor za reviziju je nadležan:

- Imenovati vanjskog revizora,
- Razmotriti godišnju studiju rizika i plan revizije u kojima su prikazane pojedinosti u pogledu rizičnih područja i revizija koja će se izvršiti, te obezbjeđuje da prijavljena pitanja budu bez odlaganja i na odgovarajući način korigovana,
- Podnositi nadzornom odboru mjesečni izvještaj o održanim sastancima svakog mjeseca,
- Obavljati i druge poslove u skladu sa važećim zakonskim propisima.

**II Uslovi**

Kandidat za člana Odbora za reviziju mora ispunjavati opće i posebne uvjete i to:

**Opći:**

1. Da je državljanin BiH,
2. Da je stariji od 18 godina i da nije stariji od 65. godina na dan imenovanja,
3. da nije član organa zakonodavne, izvršne ili sudske vlasti ili savjetnik izabranim zvaničnicima i nosiocima izvršnih funkcija,
4. da nije na funkciji u političkoj stranci,
5. da nije član Uprave ili Skupštine ili Nadzornog odbora u preduzeću,
6. da nije predsjednik ili član Uprave, predsjednik ili član Nadzornog ili Upravnog odbora, predsjednik ili član Odbora za reviziju u drugom preduzeću sa većinskim državnim kapitalom ili instituciji,
7. da nije zaposlenik u preduzeću i da nema direktni ili indirektni finansijski interes u preduzeću.

**Posebni:**

- VII stepen ekonomske ili pravne struke ili visoko obrazovanje prvog ciklusa (najmanje 240 ECTS), drugog ili trećeg ciklusa Bolonjskog sistema studiranja ekonomske ili pravne struke,
- Da ima najmanje 2 godine radnog iskustva u struci nakon sticanja stručne spreme.

### **III Potrebna dokumentacija:**

- Prijava sa kraćom biografijom, adresom i kontakt telefonom,
- Uvjerenje o državljanstvu (ne starije od 3 mjeseca),
- Ovjerena fotokopija diplome,
- Dokaz o radnom iskustvu,
- Ovjerena izjava pod materijalnom i krivičnom odgovornošću na okolnosti pod tačkama 3., 4., 5., 6. i 7. općih uslova (ovjera se vrši u općini ili kod notara)-dostaviti original.

Datum izjave ne smije biti stariji od 3 mjeseca od dana objave ovog javnog konkursa.

Prilikom procjene kvalifikacije i iskustva svih kandidata uzeće se u obzir i slijedeće:

- rezultati rada ostvareni tokom dosadašnjeg rada;
- znanje i sposobnost razumijevanja poslovnih izvještaja;
- sposobnost za savjesno odlučno,odgovorno i profesionalno vršenje funkcije člana Odbora za reviziju;
- izražena inicijativnost i komunikacijske sposobnosti.

Kandidati koji budu ispunjavali uslove iz ovog javnog konkursa biti će pozvani na razgovor-intervju.

Mandat članova Odbora za reviziju traje (4) četiri godine računajući od dana imenovanja. Naknada za rad članovima Odbora za reviziju uređuje se ugovorom na osnovu odluke Skupštine.

Izbor kandidata Odbora za reviziju preduzeća vrši Nadzorni odbor preduzeća i podnosi prijedlog za njegovo imenovanje Skupštini preduzeća.

Dokumenti priloženi uz prijavu na Javni konkurs moraju biti originali ili ovjerene fotokopije i isti se neće vraćati kandidatima.

Javni konkurs za izbor i imenovanje članova Odbora za reviziju JKP „Vodovod i Kanalizacija“ d.o.o. Sanski Most biće objavljen u dnevnom novinama „Oslobođenje“ i „Službenim novinama F BiH“, a ostaje otvoren 15 dana od dana objavljivanja u Službenim novinama F BiH.

Prijave sa svim traženim dokumentima potrebno je dostaviti u zatvorenoj koverti lično ili preporučeno putem pošte na adresu:

JKP „Vodovod i kanalizacija“ d.o.o. Sanski Most  
Ul. Meše Selimovića bb  
Sanski Most

sa naznakom „Prijava na Javni konkurs za izbor i imenovanje članova Odbora za reviziju JKP „Vodovod i Kanalizacija“ d.o.o. Sanski Most“- NE OTVARATI

Neblagovremene i nepotpune prijave neće se razmatrati.

Skupština  
JKP „Vodovod i Kanalizacija“ d.o.o.  
Sanski Most